

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
Broj 01-03-9653-5/17
Dana, 12.01.2018. godine
Sarajevo, Vrazova 11**

Na osnovu člana 70. stav (1),(3) i (6) Zakona o javnim nabavkama ("Službeni glasnik BiH" broj 39/14), člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13, 20/16), člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo i Preporuke Komisije za javne nabavke broj 01-08-9653-4/17 od 11.01.2018. godine, generalni direktor donosi sljedeću

ODLUKU
o izboru ponuđača "Proma" d.o.o. Sarajevo
u postupku nabavke broj OP 32/17

I

Ugovor o nabavci u otvorenom postupku javne nabavke broj **OP 32/17**, sa predmetom nabavke **autoklavi** za potrebe Javne ustanove Dom zdravlja Kantona Sarajevo, dodjelit će se ponuđaču: **"Proma" d.o.o. Sarajevo.**

II

Po okončanju roka za žalbu, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

III

Ova odluka objavit će se na web-stranici web: <http://www.judzks.ba>, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Ugovorni organ proveo je aktivnosti vezane za nabavku broj OP-32//17 u skladu sa odredbama Zakona o javnim nabavkama, na osnovu Odluke o pokretanju postupka javne nabavke broj 01-03-9653/17 od 13.12.2017. godine sa predmetom nabavke **autoklavi**.

Obavještenje o nabavci objavljeno je na Portalu javnih nabavki dana 14.12.2017. godine pod brojem 29-1-1-125-3-109/17.

Kriteriji za vrednovanje "**najniža cijena tehnički zadovoljavajuće ponude**" utvrđen je tenderskom dokumentacijom ugovornog organa.

Komisija je konstatovala da je do zakazanog termina, blagovremeno pristigla jedna ponuda sa ponuđenom cijenom kako slijedi:

R/b	Naziv ponuđača	Ukupna cijena ponude sa PDV-om
1	Proma doo Sarajevo	292.558,50 KM

Analizom dokumentacije jedine pristigle ponude ponuđača **Proma d.o.o. Sarajevo**, utvrđeno da je ponuđač dostavio sve tražene dokazne dokumente čime je ispunio formalno pravne zahtjeve ugovornog organa.

Komisija je konstatovala da je ponuda u skladu sa procijenjenom vrijednosti, te je time ispunjen i ekonomski zahtjev ugovornog organa.

Ponuđač je dostavio originalni i prevedeni kataloški prikaz aparata iz kojeg se mogu vidjeti sve ponuđene tehničke karakteristike predmetnog aparata.

Dostavljanjem Potvrde o registraciji medicinskog sredstva kod Agencije za lijekove i medicinska sredstva, za traženi aparat iz tehničke specifikacije ponuđač je ispunio tehničke zahtjeve.

Shodno navedenom, Komisija je konstatovala da se ponuđač Proma doo Sarajevo kvalifikovao u ovom postupku nabavke.

Imajući u vidu da je dostavljena samo jedna ponuda, ista je u skladu sa zadatim kriterijem prvorangirana.

Cijeneći navedeno, Komisija je dala **preporuku** generalnom direktoru da donese Odluku o izboru ponuđača **Proma d.o.o. Sarajevo** koji ispunjava zahtjeve ugovornog organa u formalno pravnom, ekonomskom i tehničkom smislu, za ukupnu ponuđenu vrijednost ugovora u iznosu od **292.558,50** sa uračunatim PDV-om (17%).

U postupku ocjene provedenog postupka, generalni direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocjenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.


Shodno navedenom, generalni direktor Javne ustanove Dom zdravlja Kantona Sarajevo, donosi odluku kao u dispozitivu.

PRAVNA POUKA: Ponuđač koji smatra da je ugovorni organ prekršio odredbe Zakona o javnoj nabavci, ima pravo uložiti žalbu ugovornom organu, u roku od 10 (deset) dana od dana prijema Odluke o izboru najpovoljnijeg ponuđača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

Dostaviti:

- **Proma doo Sarajevo**
(Ul. Kasindolska br. 33, Sarajevo)
- JN
- a/a

GENERALNI DIREKTOR



Mr. sci. med. prim. dr. Fuad Husić
spec. porodične/obiteljske medicine